

LKPD PIDARTA

Bahasa Bali - Kelas VIII SMP 🚀

Wasta

Kelas

No. Absen

Rahina

✨ **TEKS PIDARTA** ✨

NGULATI BALI "CLEAN AND GREEN"

Om Swastyastu

Ida dané, para manggala, miwah para guru panuntun sané wangiing titiang. Taler para pamilet lomba mapidarta sané tresna asihin titiang. Ring galahé sané becik puniki ten lali titiang ngaturang suksmanin manah majeng ring Ida Sang Hyang Widi Wasa dwaning iraga sareng sami ngamolihang karahayuan miwah karahajengan kénten taler para manggala sekolah sané sampun ngicénin titiang galah jagi ngaturang pidarta ring rahina becik puniki.

Pidarta sané jagi baktyang titiang nganinin indik "Ngulati Bali Clean and Green". Saking dumun, sampun akéh pidabdabé sané kamargiang antuk krama Baliné mangda jagat Baliné setata makanten "clean and green". Kamanah antuk titiang, clean matesges bresih utawi resik, green matesges hijau, gadang ngelom utawi dayuh, saha sida ngulangunin. Dadosnyané, sesanti clean and green puniki madué patitis mangda wewidangan jagat Baliné setata makanten resik, mawastu sida nayuhin tur ngulangunin.

Ida dané sareng sami sané wangiing titiang, wicara utawi pikobet sané banget karasayang olih para kramané mangkin napi malih pemerintah pinaka Guru Wisesa, wantah wicara indik sampah, anut ring konsep lingkungan tradisional ring Bali, ketah kabaosang "Tumpek Wariga", wantah rahina sané ngicénin kautaman ring sajeroning i raga ngraksa utawi miara sakancan sané maurip. Majanten patut kaupapira mangda setata resik tur asri, kanggén nudut pikayunan wisatawané rauh ka Bali. Sajeroning usaha ngrajegang jagat Baliné, krama Baliné ketah nginggilang sepat siku-siku sané mawasta Tri Hita Karana.

Indik sampah punika utamannyané sampah plastik sané kasorohang pinaka sampah anorganik. Sampah-sampah anorganik puniki, sawiakti abot pisan ri kala pacang ngawaliang kawénténannyané, sajabaning kadaur ulang malih. Kaanggénnyané tas kresek salami punika, sawiakti prasida ngélahan para krama ri kala makta aban-aban. Nanging yéning resepang sayan ngakéhang para kramané nganggé tas krésék, sayan ngakéhan taler polusi ring jagaté puniki, sané kasuén-suén jagaté puniki kahibekan antuk polusi sampah plastik.

Ida dané sané wangiing titiang. Mangkin pinunas titiang, pamekas ring para yowana makasami, mangda saking alit iraga sareng ngremba lelingsiré, midabdabin karesikan miwa kaasrian palemahan jagat druéné. Yéning nénten iraga pacang ngrarisakin saha ngrajegang, sapasira malih? Wantah iraga sareng sami sané patut urati ngresikin pakarangan miwah got-got mangda nénten sampetan. Clean and green wantah sesanti sané kanggén nuldulin pikayunan krama Baliné, mangda setata nguratiang karesikan palemahan jagat Baliné. Inggih, puputin titiang antuk ngojarang parama santih.

Om Santih Santih Santih Om.

A. STRUKTUR PIDARTA 📝

Piteges: Indayang nyangkepang struktur Pidarta nganutin tata titi makarya pidarta!

1 Tema Pidarta:

2 Murda Pidarta:

3 Pamahbah (Purwaka) saking lengkara kantos lengkara:

4 Daging Pidarta saking lengkara kantos lengkara:

5 Pamuput saking lengkara kantos lengkara:

B. PITAKEN ESAI

1 Napi murdan pidartané ring ajeng?

2 Napi makawinan sampah punika banget ngawetuang wicara olih pemerintah?

3 Sampah sorohan napi sané banget ngawetuang pikobet?

4 Sapunapi pakilitan sampah sareng tumpek wariga?

5 Tumpek Wariga inggih punika?

6 Sampah anorganik inggih punika?

7 Sampah saking don-donan kasorohang sampah napi?

8 Napi makawinan pamungkus plastik punika patut kagentosang kertas?

9 Napi dampak negatif ring lingkungan yéning plastik tetep kaanggé?

10 Napiké tas krésék punika prasida kadaur ulang malih?

C. PILIHAN GANDA

1 Om Swastyastu, majeng ring pangenter acara... Angga tim juri sane dahat kusumayang titiang... Lengkara ring ajeng ngranjing...

- a. Pamahbah
- b. Daging
- c. Pamuput
- d. Pangaksama
- e. Pangayubagia

2 Sadurung nglantur, ngiring sareng sami ngaluhurang raga ngaturang rasa angayubagia majeng ring Ida Sanghyang Widi Wasa... ngranjing...

- a. Pangayubagia
- b. Daging
- c. Pamuput
- d. Pangaksama
- e. Pamahbah

3 Ida dane sareng sami sane wangiing titiang, yan maosang indik nangiing pariwisata patut kawitin antuk ngrajegang basa bali... ngranjing...

- a. Pangayubagia
- b. Daging
- c. Pamahbah
- d. Pangaksama
- e. Pamuput

4 Basa Bali pinaka tetamian para panglisire patut setata werdiang tur limbakang maka cihna bhakti ring leluhur... ngranjing...

- a. Pangayubagia
- b. Daging
- c. Pamahbah
- d. Pangaksama
- e. Pamuput

5 Ida dane sareng sami, yening cutetang titiang daging pidarta titiang iwawu inggih punika Basa Baline sandang pisan werdiang... ngranjing...

- a. Pangayubagia
- b. Daging
- c. Pamahbah
- d. Pangaksama
- e. Pamuput

6 Kawagedan rikala maktayang pidarta patut manut ring topik pidarta mangdane prasida nudut kayun para uleman. Tetikesan puniki kawastanin...

- a. Wirama
- b. Wirasa
- c. Wicara
- d. Wiraga
- e. Wiroda

7 Kewagedan sajeroning ngaresepang lan ngerasayang (menghayati) mangdane pamiarsa rumasa bagia. Tetikesan puniki kawastanin...

- a. Wirama
- b. Wirasa
- c. Wiroda
- d. Wiraga
- e. Wicara

8 Intonasi suara, vocal, tanjek bebaosan rikala maktayang pidarta mangda manut ring punggelan lengkara. Tetikesan puniki kawastanin...

- a. Wirama
- b. Wicara
- c. Wiroda
- d. Wiraga
- e. Wirasa

9 Ri kala maktayang pidarta nenten nganggen teks, riantukan sang maktayang pidarta nadaksara kasudi mapidarta kawastanin...

- a. Dadakan
- b. Kawacen
- c. Kaapalang
- d. Ringkesan
- e. Tuter

10 Pidarta sane nyiagayang naskahipun sane marupa sesuratan unteng-unteng pidarta kewanten. Tata cara punika kawastanin...

- a. Tuter
- b. Kawacen
- c. Kaapalang
- d. Ringkesan
- e. Dadakan